

欽定八旗通志卷一百二十五

人物志五

宗室王公傳三

和碩睿忠親王多爾袞

和碩睿忠親王多爾袞

多爾袞

太祖高皇帝第十四子初封貝勒天聰二年三月與同母

弟多鐸隨

太宗文皇帝征察哈爾多羅特部大敗之敖穆掄俘獲萬

餘凱旋

車駕將還瀋陽宴羣臣

上以多爾袞從征有功

特賜號墨爾根岱青三年九月

上親征明克龍井關與三貝勒莽古爾泰等攻漢兒莊城

降之十一月率兵先驅赴通州河相視渡口捕哨

卒從

上攻北京明寧遠巡撫袁崇煥錦州總兵祖大壽等以兵

來援奉

命同莽古爾泰等迎擊之崇煥兵二萬屯廣渠門外多爾
袞由正路敗敵追殺至城壕隨大兵視薊州遇山
海關兵五千來援擊殲之四年二月

上自灤河旋蹕多爾袞與莽古爾泰先行破敵營斬級六
十獲馬八五年七月初設六部

特命管吏部事八月

上圍大凌河明兵出誘戰多爾袞偕諸將衝陣敵墮壕死

者百餘城上礮矢齊發我將士有陣沒者

上切責其從官曰定例遇敵時貝勒坐鎮中軍令諸將率兵擊之今貝勒輕進戰爾等何不阻止倘有疎失爾等死不足蔽辜矣十月大壽以錦州降多爾袞與貝勒阿巴泰等以兵四千隨大壽作潰奔狀城中兵分路迎並爲我軍擊敗之事詳饒餘敏郡王傳六年五月隨

上親征察哈爾大兵次木魯哈喇沁

命同貝勒濟爾哈朗等俘其部衆千餘於歸化城西南黃
河岸七年六月

詔問征明及朝鮮察哈爾三者何先多爾袞奏言今春宜
整頓兵馬乘穀熟時入邊圍北京截其援兵毀其
屯保爲久駐計可坐待其敝也八年五月

上征明由

盛京統大兵西行出上榆林口至達代塔前駐營秋
七月

命同阿濟格貝勒等自巴顏珠爾格入龍門會大兵於宣
府沿途擊敗明兵將畧保安州克其城殺守備一
會大兵於應州獻所獲八月畧朔州城東至五臺
山還隨大兵視大同城九年二月

命與貝勒岳託薩哈璘豪格統兵一萬往收察哈爾林丹
汗子額哲四月至錫喇珠爾格降其台吉索諾木
及所屬千五百戶進逼托里圖恐其衆驚潰按兵
不動額哲母葉赫貝勒錦台什女孫也其弟南楚

及族叔祖阿什達爾漢皆爲我大臣因遣其宣

諭招撫額哲遂率其母率衆宰桑台吉等衆迎降時鄂爾
多斯都濟農來誘額哲往附盟誓而去前軍追及
之多爾袞令留其使遣人諭濟農盡返所攜察哈
爾人衆不然卽移兵進攻濟農懼盡送於軍六月
師還渡河岳託率兵于衛降衆駐歸化城多爾袞
與諸貝勒攜額哲及宰桑台吉等証明自平魯衛
入敗明右衛兵至朔州毀寧武關破明羊房口兵

畧代州忻州敗敵兵千餘至忻口敗代州哨卒追
至崞縣獲馬六十餘至黑峯口斬明哨卒四十自
應州赴平魯衛出邊敗明大同寧遠錦州援兵斬
馘無算仍由歸化城率降衆還察哈爾有元玉璽
順帝時失之沙漠越二百餘年歸元裔博碩克圖
汗後爲林丹汗所得至是多爾袞令額哲獻於
上衆貝勒大臣以蒙古臣服且得前代璽表上

尊號事具額毅親王傳崇德元年四月晉封和碩睿親王

八月

上以武英郡王阿濟格饒餘貝勒阿巴泰征明已越北京
命多爾袞同豫親王多鐸等率師征山海關以牽制明兵
至錦州收降城中士人胡有陞張紹楨門世文門
世科秦永福等聞武英郡王奏捷乃班師十二月
從

上征朝鮮次沙河保東岡二年正月同肅親王豪格統左
翼兵從寬甸路入長山口克昌州敗其兵於寧遠

城下又以五十人追敗其黃州援兵萬五千遂取
江華島以紅衣礮擊潰兵船四十我兵乘其船入
島殲伏兵千餘克其城獲朝鮮王妃及其二子國
王李倬窮蹙乞降

上班師

命王同貝勒哲度約束後軍攜朝鮮王質子李湮李湏及
大臣子以還三年二月

上親征喀爾喀

命同禮親王代善等留守並監築遼陽都爾弼城逾月工竣改名屏城復同阿巴泰董治

盛京至遼河大路廣十丈高三尺夾以壕八月

勅授奉命大將軍証明與揚威大將軍貝勒岳託分兵畧地多爾袞領左翼兵自董家口東登山毀邊牆入掩其無備取青山營與右翼兵會通州河西逾北京自涿州分兵八道右沿西山麓左沿運河長驅前進歷北京迤西千里內明將卒皆潰遁畧地至

山西界還復至臨清州渡運河攻破濟南還畧天
津遷安由太平寨出青山關二十餘戰皆捷克城
四十降者六俘戶口二十五萬七千有奇我將士
無一傷者四年四月凱還

車駕至

盛京王陳所獲於

篤恭殿按旗具冊進獻

上酌納之

賜馬五白金二萬五年五月同肅親王等赴明義州屯田
諭以駐營近錦州斷敵往來路至則攻克城西九臺盡刈
其禾稼又攻克小凌河西二臺七月明兵五百出
錦州城夜襲我鑲藍旗營擊却之斬八人明總督
洪承疇至寧遠分兵據杏山營城下擊敗其騎兵
獲馬七十

上遣人傳

諭曰王等但固守營壘俟敵來犯乃擊之是月敵兵千餘

出戰卻復入擊斬甚衆獲馬百餘復斬其出樵者
八十六人又追斬明兵夜入義州戕我屯卒者九
月敗敵杏山城北擊松山援兵獲馬匹甲仗六年
二月攻廣寧山城擊斬松山援兵二百四十及出
獵小凌河之錦州兵百七十餘是時圖錦州之王
貝勒等移營去城三十里又令每旗一將校率每
佐領下甲五人先歸

上遣鄭親王濟爾哈朗往代傳

諭王曰前令爾等圍錦州由遠漸近以困之今離城遠駐
致敵人田獵輓運任意往來軍律何在若久駐馬疲當
遍察以定去留仍嚴懲不善牧者乃均派遣還尤屬錯
謬其由何人倡議各指名擬罪王覆奏臣因敵兵在錦
州松山杏山三城者其馬皆牧他處若彼來犯可
更番抵禦是以遣每旗官一員率每佐領下五人
還牧馬修治甲冑器械又因舊駐近城處草盡移
遠就牧皆臣倡議應治臣罪

上遣內大臣等至遼河傳

諭曰朕愛爾過諸子弟賚予獨厚以爾勤勞國政恪遵朕命故也今於圍敵緊要之時離城遠駐遣兵還家何違命若此其自行議罪王奏臣誠庸慮短背違

諭旨罪應死

上命降爲郡王罰銀萬兩奪兩佐領戶口六月同肅親王豪格等往代鄭親王濟爾哈朗等圍錦州時承曉率王樸李輔明唐通白廣恩曹變蛟馬科王廷臣

吳三桂八大將合兵十三萬來援錦州次松山屢
迎戰王肇祁之以敵兵多請濟師

上親統大軍往征

駕渡遼河疾馳六日至戚家保

遣大學士剛林

諭王等先駐營高橋俟大兵合圍松山杏山王等奏

聖駕親臨臣等勇氣增倍惟務進攻但明兵甚衆臣等屢
攻戰微有損傷若再速戰恐力不及遽立營高橋